



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბოტკოველი ნანა ვლადიმერის ასული

ბოტკოველი ნანა ვლადიმერის ასული (27. VIII. 1938, თელავი, – 24. XI. 2001, თბილისი),
კერამიკოსი. საქართველო. დამს. მხატვარი (1975).

1964 დაამთავრა თბილ. სამხატვრო აკადემია (პედაგოგები დ. ციციშვილი, რ. იაშვილი, ს. ქობულაძე, შ. მიქაბაძე, ა. ფიცხელაური). 1964 – 74 არქეოლ. ექსპედიციებში იყო მხატვრად.

1965-იდან მონაწილეობდა რესპ., და საერთაშ. (იტალია, საფრანგეთი, გერმანია, შვეიცია, პოლონეთი, ჩეხეთ-სლოვაკეთი, უნგრეთი, საბერძნეთი, ფინეთი, იუგოსლავია) გამოფენებში.

ბ-ის ნამუშევრებისათვის დამახასიათებელია ხაზგასმული დეკორატიულობა. შესრულებული აქვს კედლის პანოს, ინტერიერის კომპლ. გაფორმების ესკიზები. მთავარი მაინც კერამ. ჭურჭელია. მნიშვნელოვანი ნამუშევრები: „თამარი“, კათხა (თიხა, ჭიქური, 1966), „კახეთი“, დეკორ დოქი (თიხა, ჭიქური, 1968), „ცხრა ძმა ხერხეულიძე“, მარანი (თიხა, ტერაკოტა, 1981) და სხვ.
